

Wakita ga Pol ya àbikioru ana ndam Tesalonik enjenjeni ni Ere ye ti mɛdɛmki ka wakita ga Pol ya àbikioru ana ndam Tesalonik enjenjeni ni

Maslaɗa ya ti àbaki wakita hini ni ti àdafa slimi gayan a : nani Pol, zal asak ga Yezu ni (1.1 ; 2.18). Ka ya ti àbaki wakita ni ti nan a Koreɗ ; àslɛroru Timote a Tesalonik ; Timote àra àslɛkabiya ti àhi ma ana Pol àki ka ndam Tesalonik, mak Pol àbikioru wakita ni ana tay (3.1-6 ; Tɛwi 18.5).

Bay ya ti àhi ma ga Yezu ana ndam Tesalonik enjenjeni ni ti Pol (Tɛwi 17.1-10). Pol àpɛs afa ga ndam Tesalonik kay ndo, adaba ndam Zude tawayay tɛgɛs nan (Tɛwi 17.5, 10) ; ere ye ti àgravu ni ahɛli ahàr, awayay epi tay ga mɛvi njɛda ana tay, ay àngɛt ahar gani ndo. Nahkay ti àbikioru wakita hini ana tay ga mɛvi njɛda ana tay akaba ga macahi zlam ana tay.

Ka palahar ye enjenjeni ga pakama gayan ni (1-3) Pol avi njɛda ana ndam Tesalonik ya tɛfaki ahàr ka Yezu ni. Àhi ana tay Melefit àdaba tay eɛɛɛɛɛ eɛɛɛɛɛ : àdafaki Melefit àdaba tay a ti njɛda ga Mɛsuf Njɛlatani ya àgray tɛwi e kidin gatay bu ni (1.4, 6). Ku tamal mis ndahan tɛgri daliya ana tay nanɗu ni, Mɛsuf Njɛlatani àbu agray tɛwi e kidin gatay bu dal-dal (1.6). Pol àhi ana tay ahɛmamam nan nanani àgray tɛwi a Tesalonik ni :

àgəski gəđakani ga ndam ga Yezu weley weley do đek mągray təwi akada ga Pol ya àgray ni (2.1-12). Àhi ana tay awayay tay dal-dal, awayay mici ma gatay ni (2.17–3.10).

Pol àhi ana ndam Tesalonik tånjəhad akada ge Melefit ya awayay ni : leli day ahàr àđəm mąnjəhad nahkay (4.1-12 ; 5.12-22). Àcahi zlam nahan ana tay, àhi ana tay ku tamal mis ndahan təməta nəngu ni, atəngaba e kisim ba ka fat ya ti Yezu amaŋga ni ; ku tamal məsər vad gani do nəngu ni atəngaba ededīŋ ededīŋena (4.13–5.11). Nahkay ku tamal ndam ga Yezu təmət nəngu ni àhəli ahàr ana leli ba. A wakita hini bu đek Pol àhi ma ga vad ga Yezu ya amaŋga ni ana ndam Tesalonik ni sak kay (1.10 ; 2.19 ; 3.13 ; 4.16 ; 5.23). Pol àđəm Melefit amajəgay ndam gayəŋ ni, araŋa emijīŋkia tay ke divi a do, duk abivoru ana vad ga Yezu ya amaŋga ni. A vad gani nani ti leli đek aməmərvi dal-dal, aməgri səsī ana Melefit ana zlam gayəŋ ya əgri ana leli ni đek.

Sa ga Pol

¹ Məbəkī wakita hini ti nu Pol leli akaba Silas ata Timote. Məbikioru ti ana kəli ndam ga Yezu ya *kacakalumvu a Tesalonik ni. Lekulum ti kəbum akada mis bəlan akaba Bəŋ geli Melefit nday ata Bay geli Yezu *Krist. Nday gani təgri sulum gatay ana kəli, təgray ti *kənjəhadumkabu àna sulumani ti.

Manjəhad ga ndam Tesalonik ya təfəki ahàr ka Yezu ni

² Leli məbu məgri səsī ana Melefit azuhva kəli đek kəlavad ; ka ya ti mahəŋgalay nan ni ti məbu

macali slimi ana kɛli. Mə̀mbrə̀ŋ ³ majalaki ahàr ke kɛli kè meleher ga Bə̀ŋ geli Melefit do. Mə̀bu majalaki ahàr ti ka zlam gekɛli ya kə̀grum ni : kə̀bum kə̀fumki ahàr ka Bay geli Yezu *Krist, nahkay kə̀grumi tɔ̀wi ; kə̀bum kawayum naŋ, nahkay kacakum daliya azuhva naŋ ; kəsə̀ruma amə̀gri zlam sulumani ana kɛli daya, nahkay kə̀bum kebesəm. ⁴ Bə̀za ga mmawa, leli mə̀sə̀ra Melefit awayay kɛli, àdaba kɛli a, ⁵ adaba ka ya ti mòru afa gekɛli, mə̀hi *Ma Mɔ̀weni Sulumani ana kɛli ni ti, mə̀dəm ti àna ma ciliŋ do : mə̀gray tɔ̀wi ti àna njə̀dà ge Melefit ya *Məsuf Njə̀latani àvi ana leli ni daya ; àna njə̀dà gani nani ti mə̀sə̀ra ma geli ya mə̀hi ana kɛli ni ti ma ge jiri ededīŋ. Kəsə̀ruma ahə̀mamam leli mən̄jə̀had e kidīŋ gekɛli bu, mə̀gray tɔ̀wi azuhva kɛli ni. ⁶ Lekuləm day kə̀mbatumkaba manjə̀had gekɛli a, ègia kə̀grum zlam akadà geli ni, kə̀grum zlam akadà ga Bay geli ni daya. Ka ya ti kə̀gə̀sumkabu ma ge Melefit ni ti lekuləm kə̀bum kacakum daliya dal-dal ; ku tamal nahkay nə̀ŋgu ni kə̀gə̀sumkabá àna mə̀mərana. Àvi mə̀mərani gani nani ana kɛli ti Məsuf Njə̀latani. ⁷ Ndam mə̀fə̀ki ahàr ka Yezu ka had Mesedɔ̀wə̀ŋ akaba ka had Eseyi ni dek tàra ticia ere gekɛli ya kə̀grum nahkay na ti nday day tawayay tagray akadà nani. ⁸ Azuhva tɔ̀wi gekɛli ya kə̀grum ni ti ndam Mesedɔ̀wə̀ŋ akaba ndam Eseyi ticia ma ga Bay geli a. Ay tici ti nday ciliŋ do : ku eley eley do dek mis ticia gekɛli ya kə̀fumki ahàr ke Melefit na. Nahkay ti ku mə̀dəmki ma ndo nə̀ŋgu ni ticia ma gana àndava. ⁹ Mis tə̀bu tə̀zlapaki ke leli, tə̀dəm lekuləm kə̀gə̀sumkabá leli a lala. Tə̀dəm kə̀mbrə̀ŋuma pə̀ra,

kàmbatumkaba majalay ahàr gekùli a, kìgùma ndam mægri tɔwi ana Melefit a daya. Kàsèrùma Melefit ti nanj àbu àna sifa, nanj Melefit ededìnj ededìnjenì. ¹⁰ Nahkay kàbum kəjəgum sarta ga Wur gayan ya amasləkabiya e melefit ba ni. Wur gayan nani ti Yezu ; àmèta mək àngaba e kisim ba, amahəngay leli. Nahkay ka fat ya ti Melefit aməzumki bəruv ke mis ni ti Melefit aməzumki ke leli do.

2

Tɔwi ga Polya àgray a Tesalonik ni

¹ Bəza ga mmawa, lekulum lekulumenì kàsèrùma, ka ya ti mòru afa gekùli ni ti, mòru ti ga magray zlam masakani do. ² Kàsèrùma daya, wudaka mòru afa gekùli ni ti təgribiya daliya ana leli a, tìndivbiya leli e Filip a. Afa gekùli day mis kay tàwayay mægəskabu leli ndo. Ku tamal nahkay nəngu ni, Melefit geli àvia njəda ana leli ga məhi *Ma Məweni Sulumani gayan ana kùli a. ³ Ka ya ti məhi ma gani nani ana mis ni ti māsəkad malfada do, mədəbi zlam ana hud geli àna nanj do, məgosay mis do. ⁴ Melefit àsəra leli a, nahkay adaba leli ga məhi Ma Məweni Sulumani ana mis a. Ka ya ti məhi ma gani ana mis ni ti mawayay ti mis tázləbay leli do ; mawayay ti Melefit mázləbay leli sawan. Adaba Melefit ti àsəra majalay ahàr ge mis a. ⁵ Kàsèrùma day-day leli məhi ma ana kùli ga magosay kùli ndo, day-day mədəbafəna zlam kè kùli a ndo daya. Melefit esliki magray sedi gani. ⁶ Ngay mis tázləbay leli kwa ti mədəm ndo ; ku lekulum, ku mis ndahanj nəngu ni mədəm ndo. ⁷ Ku tamal nahkay nəngu ni leli ndam *asak

ge *Krist ti akal misliki mǎfǎki ŋgasa ke kǎli tata, ay ti mǎgray nahkay ndo. Leli mǎnjǎhad e kidĩŋ gekǎli bu ni ti kudufa akada ga mǎŋ ga bǎza ya ti abi slimi ana bǎza gayaŋ ni. ⁸ Leli mawayay kǎli dal-dal ; nahkay ka ya ti leli afa gekǎli ni ti mawayay mǎhi Ma Mǎweni Sulumani ge Melefit ana kǎli cilin ndo : ku tamal tǎbazl leli azuhva kǎli nǎŋgu ni akal mǎgǎskabu daya. Leli mawayay kǎli ti nahkay. ⁹ Bǎza ga mmawa, sǎrumki ka ya ti mǎhi Ma Mǎweni Sulumani ge Melefit ana kǎli ni ti mǎgra tǎwi nahaŋ a, mǎlafat akaba mǎlavad gani do dek mǎgra tǎwi gana, amǎtaǎkaba leli a dal-dal. Mǎgray nahkay ti adaba mawayay ti kǎcakum daliya ga mǎvi zlam ana leli ba.

¹⁰ Ka ya ti leli mǎbu e kidĩŋ gekǎli ndam mǎfǎki ahǎr ka Yezu ni bu ni ti mǎnjǎhadǎ njǎlata, mǎgra zlam ge jiri a, maslaŋa acalki leli ka zlam magudarani ndo. Kislǎmki magrakia sedi gana ke leli a tata ; Melefit day agrakia ke leli a tata. ¹¹ Kǎsǎruma, mǎnjǎhad akaba ku way way do gekǎli ti akada ga bǎŋ ga bǎza ya anjǎhad akaba bǎza gayaŋ, afa ahǎr ana tay ni. ¹² Sak kay mǎdǎfikia divi ana kǎli a, mǎvia njǎda ana kǎli a, mǎhi ana kǎli ahǎr adǎm kǎgrum ere ye ti Melefit awayay ni kwa. Adaba Melefit azalay kǎli, awayay ti kǎhǎrumiyu a Mǎgur gayaŋ vu, a mǎlaŋ masladani gayaŋ vu.

¹³ Mǎmbrǎŋ mǎgri sǎsi ana Melefit do, adaba ka ya ti mǎhi ma ge Melefit ana kǎli ni ti kǎgǎsumkabǎ. Kǎgǎsumkabu ti akada pakama ge mis hihirikeni do ; kǎgǎsumkabu ti akada pakama ge Melefit. Nani pakama ge Melefit ededin, naŋ

àbu avi njəda ana kuli, lekulum ya ti kafumki ahàr ka Yezu ni. ¹⁴ Bəza ga mmawa, ere ye ti àgrakivu ka ndam ge Melefit ya təfəki ahàr ka Yezu Krist, təcakalavu ka had *Zude ni ti àgrakiva ke kuli a daya. Ndam ga had gekuli təgria daliya ana kuli a akada ga ndam *Zude ya təgri ana ndam gatay ya təfəki ahàr ka Yezu na. ¹⁵ Təkaf Bay geli Yezu, təbazl ndam mahəngaray *pakama ge Melefit ya ahaslani ni akaba təgri daliya ana leli ni ti ndam Zude. Gatay ya təgray nahkay ni ti àbəlafəŋ kè Melefit do ; tīgia ndam ezir ge mis a dek daya. ¹⁶ Leli məbu məhi ma ana ndam ya ti nday ndam Zude do ni, ti Melefit məhəngay tay, ay ndam Zude ni tawayay təcəfəŋa leli a. Nahkay ti tagudarkivu zlam àkivu ka zlam magudarani gatay ya təgudar a sarta bu dek ni. Ay nihi ti Melefit àzumkia bəruv ka tay a.

Pol awayay akoru amənjiyu ndam Tesalonik

¹⁷ Bəza ga mmawa, leli ti àpəsa bal mīpivu akaba kuli ndo. Ay ku tamal mīpi kuli ndo nəŋgu ni, leli məbu majalaki ahàr ke kuli. Nahkay ti leli məbu makadvu dal-dal ga moru məmənjiyu kuli. ¹⁸ Məwaya maŋgona afa gekuli a. Nu Pol nətəkara sak cə ga moroni afa gekuli a, ay *Seteni àcafəŋa nu a. ¹⁹ Azuhva kuli ti leli məsəra Melefit amagray zlam sulumani ya àdəm amagray ni. Nahkay leli məbu məmərvu azuhva kuli. Ŋgay məbu məmərvu azuhva kuli daya ti kəsərum ndo waw ? Məsəra ka ya ti Bay geli Yezu amaŋga ni ti amazləbay leli azuhva təwi geli ya məgray e kidiŋ gekuli bu ni ; nahkay məmərvu akada ga maslaŋa ya ti àtama mis ndahaŋ àna hwa, mək təvi zlam sulumani ka

duwa gani ni. ²⁰ Nahkay məmərɔvɔ ti azuhva kɛli ; mazləbay Bay geli Yezu ti azuhva kɛli daya.

3

¹ Nahkay zla nahəma, leli mɪslɪki mɛbɛsɛni va do ; mɛdɛm ahàr àdɛm leli ndahanɔ ni manjəhad a Ateɔ hayanɔ, ² məslərɔru Timote afa gekɛli. Nanɔ ti wur ga mənɔ geli, məgri tɔwi ana Melefɪt ka ahar bəlanɔ, məhioru *Ma Məweni Sulumani ge *Krist ana mis. Məslərɔru nanɔ afa gekɛli ti ga məvi njədə ana kɛli, ti kəmbɾəɔum məfəki ahàr gekɛli ka Yezu ba. ³ Məgray nahkay ti, məwayay ti a hud ga daliya ya kacakum ni bu ni ti maslanɔ əjɪkia ke divi a ba. Daliya gani nani ti kəsəruma lala : ahàr àdɛm məcakum kwa. ⁴ Ka ya ti leli məbu e kidɪɔ gekɛli bu ni ti məhiva ana kɛli a, mɛdɛm ahàr àdɛm məcakum daliya ni kwa. Kəsəruma, ere ye ti mɛdɛm ni àgrava ededɪɔ a. ⁵ Əgia nahkay ti nɪslɪki mɛbɛsɛni va do, nəslərɔru Timote afa gekɛli ga məsər ahəmamam kəfumki ahàr ka Yezu ni, adaba nədɛm bi *Seteni amagosay kɛli. Məwayay ti tɔwi geli ya məgray e kidɪɔ gekɛli bu ni əgi zlam masakani ba.

⁶ Ay nihi ti Timote əsləkabiya afa gekɛli a, ənjia afa geli a. Ma gayanɔ ya àhi ana leli ni ti àməri bərɔv ana leli dal-dal : àdɛm lekɛlum kəbum kəfumki ahàr ka Yezu lala, kəbum kawayumvɔ daya. Ka ya ti kajalumki ahàr ke leli ni ti kəmərɔmɔvɔ àna nanɔ. Nahkay kawayum mipi leli akada geli ya mawayay mipi kɛli ni. ⁷ Bəza ga mmawa, leli məbu macakay daliya dal-dal, ay ma ga Timote ya àhi ana leli àki ka məfəki ahàr gekɛli ka Yezu ni àvia njədə ana leli a. ⁸ Nahkay ma gayanɔ ya àdɛm lekɛlum kəmbɾəɔum məfəki ahàr gekɛli ka Bay geli

Yezu ndo ni ti, kala akada àvia sifa mawena ana leli a. ⁹ Leli mambu mamaru dal-dal kè meleher ge Melefit geli azuhva kuli ; nahkay ku magari susi ana Melefit ahəmamam ahəmamam azuhva kuli nənɡu ni, susi gani ahəca. ¹⁰ Məlafat akaba məlavad gani do dek mahəngalay Melefit, məmbrəŋ do ; mawayay mipi kuli ana eri geli, mawayay məvi njəda ana kuli ti məfəki ahər gekuli ka Yezu ni məsagakivu, mōru kama kama.

¹¹ Bəŋ geli Melefit nday ata Bay geli Yezu ana ahər gatay gatayani tavi divi ana leli ga moroni afa gekuli ti. ¹² Lekulum kəbum kawayumvu, kəbum kawayum mis ndahaŋ dek daya : Bay geli məvikivu njəda ana kuli ti mawayavani gekuli məsagakivu, mōru kama kama, akada geli ya ti mawayay kuli ni. ¹³ Məvikivu majalay ahər sulumani ana kuli, ti lekulum akələbum ndam *njəlatani kè meleher ga Bəŋ geli Melefit. Nahkay ka fat ya ti Bay geli Yezu amanga akaba ndam gayanə njəlatani na dek ni ti atəŋgətfəŋa zlam magudarani kè kuli a do. [Aya nahkay !]

4

Manjəhad ga ndam njəlatani ge Melefit

¹ Bəza ga mmawa, ahəmamam ndam ge Melefit tanjəhad ti tərbələfəŋ ni ti məhiaba ana kuli andava ; lekulum kəbum kanjəhadum nahkay. Ay nihi ti ere ye ti əgəjəni ga məhiani ana kuli ni ti nihi : mahəngalay kuli, məhi ana kuli ana slimi ga Bay geli Yezu : kəmbərəŋum ba, grumkivoru kama kama. ² Ma ga Bay geli Yezu ya məhi ana kuli ahəmamam kanjəhadum ni ti kəsəruma andava. ³ Ere ye ti Melefit awayay ni ti nihi : njəhadum

akada ga ndam gayan *njelatani ya tanjehad ni ; kègrum mesawehvu ba. ⁴ Ti ku way way do e kidin gekeli bu mæsær ahëmamam tanjehad ata wal gayan ni : tãnjehad njelata, ti mis ndahan tãzlëbay tay. ⁵ Kigum evidi ga madëbay wál akada ga ndam ya ti tãfëki ahàr ke Melefit do ni ba. ⁶ Àki ka ma hini ti maslaña àgudari zlam ana wur ga mënani ba, àgosay nan ba daya. Mèhia ana keli a àndava, mähikivu ana keli keti : Bay geli amatrað ndam ya ti tagray zlam nday nani ni. ⁷ Adaba Melefit àzalay leli ti ga magray mesawehvu do ; àzalay leli ti ga manjehadani njelata sawan. ⁸ Nahkay ti tamal maslaña àgëskabu pakama hini do ni ti, àgëskabu do ni ti pakama ge mis do ; àgëskabu do ni ti pakama ge Melefit nan ya ti avi Mësuf gayan njelatani ana keli ni sawan.

⁹ Àki ka mawayavani e kidin gekeli ya këfumki ahàr ka Yezu ni bu ni ti mëbiki ma gani ka wakita ana keli va do, adaba Melefit àchhia zlam gana ana keli a àndava, nahkay kèbum kawayumvu lala, ¹⁰ kèbum kawayum ndam geli ya ka had Mesedawen ni dek daya. Ay nihi ti bëza ga mmawa, mëhi ana keli ahàr àdëm mawayavani gekeli ni môru kama kama. ¹¹ Mëhi ana keli keti : zum njëda gekeli ga manjehadkabani àna sulumani ; ti ku way way do mëbi slimi ana tawi gayan cilin, ti mëngëti zlam ana hud gayan àna tawi ga ahar gayan gayanani. Ma gani nani ti mëhia ana keli a ahaslana àndava. ¹² Tamal kègrum nahkay ti manjehad gekeli amaðëlafëñ kà ndam ya ti tãfëki ahàr ka Yezu ndo ni. Ekihindamfinja zlam kè mis ndahan a do daya.

Manɔgabana e kisim ba akaba manɔga ga Yezu a

¹³ Bɛza ga mmawa, àki ka bɛza ga mɔnɔ geli ya tɛmɔt ni ti, mawayay ti kɛsɛrum ma gani lala, ti àhɛli ahàr ana kɛli akada ya ti ahɛli ahàr ana mis ndahanɔ ya ti tɛsɛr ma gani do ni ba. ¹⁴ Mɛsɛra Yezu àmɛta mɛk àngaba e kisim ba. Nahkay ti mɛsɛra ndam ya tɛfɛki ahàr ka Yezu, tɛmɔt ni ti Melefit amɛmbrɔnɔ tay do. Amahɔngaraba tay e kisim ba, atanjɛhad akaba Yezu.

¹⁵ Pakama geli ya mɛhi ana kɛli ni ti pakama geli geleni do, ga Bay geli. Pakama gani nahkay hi : ka fat ya ti Bay geli amanɔga nahɛma, leli ya mɛbu àna sifa, mɛmɔt ndo ni, amoru afa gayanɔ enji ga ndam ya tɛmɛta àndava ni do simiteni. ¹⁶ Adaba ka fat gani nani ti Melefit amɛdɛm sarta ènjia, mɛk gɛdakani ga *mɛslɛr ge Melefit amazlah, mezlelim ge Melefit amahɛnday ; eslini Bay geli amaslɛkabiya e melefit ba. Ka sarta gani nani ndam ge *Krist ya tɛmɔt ni ti atanɔgaba, ¹⁷ kɛlɔnɔ gani leli ya mɛbu àna sifa ni, Melefit amɛhɛloru leli akaba tay a maklaɔbasl vu ; leli dɛk amɛbakabu ahàr akaba Bay geli agavɛla, leli dɛk amanjɛhad akaba Bay geli ga kanɔgay-kanɔgayani. ¹⁸ Nahkay ti zum nɔjɛda àna ma hini ya nɛhi ana kɛli ni, lekulɛm day humi ana ndam gekɛli ndahanɔ ti tɛzay nɔjɛda bilegeni.

5

¹ Bɛza ga mmawa, àki ka sarta ya ti zlam nday nani atagravu ni ti mɛbiki ma gani ana kɛli va do, adaba ² kɛsɛruma pakama gana àndava : vad ya ti Bay geli amanɔga ni ti mis tɛsɛr do. Amanɔga ti akada ga zal akal ya ara ga mɛlavad a ni. ³ Nahkay ka

ya ti mis atədəm : « Leli məbu a barbaray bu, arañ a bi agrakivu ke leli bi » ni ti Melefit emizinqaba tay a həya. Zlam gani nani amədəkiaya ka tay a ti akada ga wal a hud, wur ajibiyu aslər ni. Ka fat gani nani ti nday gani atətamfəna kà daliya na do. ⁴ Ay lekələm nahəma bəza ga mmawa, manjəhad gekəli ti akada ga ndam ya tanjəhad a mələn zinq-zinqeni bu ni do. Nahkay vad gani nani amədi ahər ana kəli akada ga zal akal ni do, ⁵ adaba lekələm dek kəbum kəgrum təwi a mələn masladani bu, ga mələfat. Leli ti ndam ya tagray təwi a mələn zinq-zinqeni bu ga mələvad ni do. ⁶ Nahkay mənəm dəwir akada ga nday ndahan ni ba ; manjəhadum eri, məbumi slimi ana ahər geli ti məgudarum zlam ba. ⁷ Adaba nday ya ti tinji dəwir ni ti tinji ti ga mələvad ; nday ya ti tisi zum akad tay ni ti tisi, akad tay ti ga mələvad. ⁸ Ay leli ti magray təwi ga mələfat ; nahkay məbumi slimi ana ahər geli ti məgudarum zlam ba. Leli məfəki ahər ka Yezu, mawayavu daya : zlam nday nani ti tigia akada ge endəwi ga ambəl ga ndam slewja ya ti tabakabu, tanğah gugum gatay àna nañ na. Məsəra Melefit amahəngay leli : geli ya məsəra amahəngay leli ni ti əgia akada gadagar ga ndam slewja ya təbəvu a ahər vu, tahəngay ahər gatay àna nañ na. ⁹ Adaba Melefit əzalay leli ti ga məzumki bəruv ke leli do ; əzalay leli ti ga mahəngay leli azuhva təwi ga Bay geli Yezu *Krist ya əgri ana leli ni. ¹⁰ Krist ti amət azuhva leli. Nahkay ku leli məbu àna sifa, ku məməta nəngu ni, awayay məvi sifa gayan ana leli ti mənəhad ka ahar bəlan akaba nañ. ¹¹ Nahkay zla nahəma, ku way way do e kidinq gekəli bu məvi

njəda ana maslaŋa nahaŋ, ti məfəki ahàr gekəli ka Yezu ni mōru kama kama. Lekələm kəbum kəgrum àndava, ay ti kəmbərəŋum ba.

Ma ga Pol gərgərani akaba sa gayan

¹² Bəza ga mmawa, mawayay ti kəgəsumiki ma ana ndam ya ti tagray təwi ga Bay geli e kidiŋ gekəli bu ni. Nday ti Bay geli àdiyu tay ga mədi kama ana kəli akaba ga məziaba azay slimi ana kəli a. ¹³ Həŋgrumioru ahàr a haɗ ana tay, wayum tay dal-dal azuhva təwi gatay ya tagray ni. Njəhaɗum àna sulumani e kidiŋ gekəli bu.

¹⁴ Bəza ga mmawa, ere ye ti məhi ana kəli ni ti nihi : Tamal mis agray masəfa ti humiki ; tamal mis agray aŋgwaz ti vumi njəda ti àgray aŋgwaz ba ; tamal mis èsliki məfəki ahàr ka Yezu va do ni ti jənumki naŋ ; ku way way do dek, besumi.

¹⁵ Bumvu slimi : tamal maslaŋa àgudaria zlam ana maslaŋa nahaŋ a ti, maslaŋa gani àhəŋgrivu ba. Ahàr àdəm ku way way do mawayay məgri sulum ana maslaŋa nahaŋ e kidiŋ gekəli bu akaba ana mis ga dala dek kwa.

¹⁶ Mərumvu kəlavaɗ ; ¹⁷ kəmbərəŋum mahəŋgalay Melefit ba ; ¹⁸ ku mam agravu mam nəŋgu ni grumi səsi ana Melefit. Zlam gani nani dek ti Melefit awayay kəgrum, adaba lekələm kəbum akaba Yezu *Krist akada mis bəlaŋ.

¹⁹ Kəcumfəŋa *Məsuf Njəlatani ga magray təwi e kidiŋ gekəli ba ba. ²⁰ Tamal maslaŋa àhəŋgaraya pakama ge Melefit e kidiŋ gekəli ba nahəma, kəzum pakama gani akada ma masakani ba.

²¹ Ku maslaŋa gani adəm mam mam do nəŋgu ni mənjunkia lala day. Tamal ere gani àbəlay

ti gəsumkabá. ²² Jəgum ahàr gekəli ti kàgudarum zlam ba ; ku mam mam day kàgudarum ba.

²³ Melefit naŋ ya ti agray ti araŋa àhəli ahàr ana leli do ni, àna ahàr gayan gayanani mâgray ti lekələm kîgum ndam gayan njəlatani, araŋa àhəcikivu ana kəli ba ti. Mâjəgay kəli lala ; mâjəgay vu gekəli, sifa gekəli akaba majalay ahàr gekəli dek ti. Nahkay ka fat ya ti Bay geli Yezu Krist amara ni ti atəŋgətfəŋa zlam magudarani kə kəli ga macalki kəli a do. ²⁴ Bay ya ti azalay kəli ni ti Bay Melefit gani, agray ere ye ti àdəm amagray ni dek. Nahkay amagray zlam gani nani daya.

²⁵ Bəza ga mmawa, həŋgalumi Melefit ana leli.

²⁶ Grumi sa geli ana bəza ga məŋ geli ni dek akada ga ndam njəlatani ge Melefit ya tagravu sa ni.

²⁷ Nəhi ana kəli àna slimi ga Bay geli : kam-kam jəŋgəmi wakita hini ana bəza ga məŋ gekəli dek.

²⁸ Bay geli Yezu Krist məgri sulum gayan ana kəli ti.

Ma M_hweni Sulumani ge Melefit New Testament in Muyang

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muyang

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 11 Nov 2022 from source files
dated 29 Jan 2022

7fea74f6-4ba4-5a54-a7cf-a6c88fbc1968